

樂山縣志卷之十二

藝文志 詩文

典籍 金石



自古文獻並稱而文之傳為更遠班孟堅漢書有藝文標目後之作志者因之非以誇靡麗飾藻采也嘉言懿行昭示來茲隨物賦形理歸格致雖江山憑眺弄月吟風可以見性情資流覽况記當時之興舉詳一方之利弊寔有為言之者乎樂邑古稱人士俊乂漢晉間費氏寔世其族惜著述不盡傳唐之以詩鳴者唐山人球為最著自時厥後代有聞人至明之四諫文章風烈各造其極不僅為都人士典型已也他如名宦則自岑陸而還寓公則自王揚郭李而下餘風遺韻迄今未已哀而集之皆有與於古之立言者也若夫典籍別有專集存其名而義見一斑矣金石之文雖多殘闕要古人雪泥鴻爪所在致不可沒俱為附入仍以類從各不相混志藝文

詩

唐

泥溪

王勃

弭櫂凌奔壑低鞭躡峻岐江濤出岸險峯蹬入雲危溜
急船文亂巖斜騎影移水烟籠翠渚山照落丹崖風生
萍浦葉露泣竹潭枝泛水雖云美勞歌誰復知

麻坪晚行

百年懷土望千里倦游情高低尋戍道遠近聽泉聲礪
葉纔分色山花不辨名羈心何處盡風急暮猿清

峩眉山月歌

李白

峩眉山月半輪秋影入平羌江水流夜發清溪向三峽
思君不見下渝州

樂山縣志

卷十二

詩

二

宿青溪驛奉懷張員外十兄之緒 杜甫

漾舟千山內日入泊枉渚我生本飄飄今復在何許石
根青楓林猿鳥聚儔侶月明遊子靜畏虎不得語中夜
懷友朋乾坤此深阻浩蕩前後間住期赴荆楚

寄岑嘉州

不見故人十年餘不道故人無素書願逢顏色關塞遠
何意出守江城居外江三峽且相接斗酒新詩終自疎
謝朓每篇堪諷誦馮唐已老聽吹噓泊船秋夜驚春草
伏枕青楓限玉除眼前所寄選何物贈子雲安雙鯉魚

狂歌行贈四兄

與兄行年較一歲賢者是兄愚者弟兄將富貴等淫
弟竊功名好權勢長安秋雨十日泥我曹韝馬聽
公卿朱門未開鎖我曹已到肩相齊吾兄睡穩方舒
不襪不巾踏曉日男啼女哭莫我知身上雖繪腹中實
今年思我來嘉州嘉州酒重花繞樓樓頭飲酒樓下卧
長歌短韻迭相酬四時八節還拘禮女拜弟妻男拜弟
幅巾鞶帶不掛身頭脂足垢何曾洗吾兄吾兄巢許倫
一生喜怒長任真日斜枕肘寢已熟啾啾唧唧爲何人

樂山縣志

卷十二

詩

三

陪章畱後惠義寺餞嘉州崔都督赴州

中軍待上客令肅事有恒前驅入寶地祖帳飄金繩南
陌旣畱歡茲山亦深登清聞樹杪磬遠謁雲端僧迴策
匪新岸所攀仍舊籐耳激洞門飈目存塞谷冰出塵闕
軌躅畢景遺炎蒸永願坐長夏將衰棲大乘羈旅惜燕
會艱難懷友朋勞生共幾何離恨兼相仍

上嘉州青衣山中峯題惠淨上人幽居寄兵部楊

卽中並序

岑參

青衣之山在大江之中屹然迴絕崖壁蒼峭周廣七

里長波四匝有惠淨上人廬於其巔唯繩床竹丈而已恒持蓮花經十年不下山予自公浮舟聊一登眺友人夏官宏農楊侯清談之士也素工爲文獨立於世與余有方外之約每多獨往之意今者幽躅勝概歎不得與此公俱爰命小吏刮磨石壁以識其事乃詩以達楊友爾

青衣誰開鑿獨在水中央浮舟一躋攀側逕緣一作沿穹

蒼絕頂詣老僧豁然登上方諸嶺一何小三江奔茫茫蘭若向西開峩眉正相當猿鳥樂鐘磬松蘿泛天香江

樂山縣志 卷十二 詩 四

雲入袈裟山月吐繩床早知清淨理人乃機心忘尙以名宦拘聿來夷獠鄉吾友不可見鬱爲尙書郎早歲愛丹經畱心向青囊渺渺雲智遠幽幽海懷長勝賞欲與俱引領遙相望爲政媿無術分憂幸時康君子滿天朝老夫憶滄浪况值廬山遠抽簪歸法王

登嘉州凌雲寺作

寺出飛鳥外青峯戴朱樓搏壁躋半空喜得登上頭始知宇宙濶下看三江流天晴見峩眉如向波上浮迴曠烟景豁陰森棕桫稠願割區中緣永從塵外遊迴風吹

虎穴片雨當龍湫僧房雲濛濛夏月寒颼颼回合俯近
郭寥落見遠舟勝概無端倪天宮可淹留一官詎足道
欲去令人愁

題凌雲寺

司空曙

春山古寺繞滄波石磴盤空鳥道過百丈金身開翠壁
萬龕燈焰隔烟蘿雲生客到侵衣濕花落僧禪覆地多
不與方袍同結社下歸塵世竟如何

九日嘉州發軍亭卽事

薛逢

三江分注界平沙何處雲山是我家舞鶴洲中翻白浪
樂山縣志 卷十二 詩 五
掬金灘止 黃花不愁故國歸無日卻恨浮名苦有涯
向暮酒酣客散水天狼籍變餘霞

夏夜宴明月湖

夏夜宴南湖琴觴興不孤月搖天上桂星泛浦中珠助
照螢隋觴添盤筍進厨聖朝思靜默堪守谷中愚

舟行至平羗

薛能

貌虎直沙壩嚴更護早眠簇霜孤驛樹落日下江船暫
去非吳起終休愛魯連平羗無一術候吏莫加邊

凌雲寺

像閣與山齊何人置石梯萬烟生聚落一
掩露招提齋
月人來上殘陽鴿去栖從邊亦已極烽火
是沈黎

石堂溪

三面接漁樵前門向郡橋岸沙崩橘樹山
逕入茶苗夜
擁軍烟合春浮妓舸邀此心無與醉花影
莫相燒

荔枝樓

高檻起邊愁荔枝誰致樓會須交匠坼不
欲見蠻陬樹
痺無春影天連覺漢流仲宜如可擬卽此
是荊州

聖岡

樂山縣志

卷十二

詩

六

古跡是何王平身入石房遠村通後逕一
郡隔前岡晝
靜唯禪客春來有女郎獨醒迴不得無事
可焚香

暇日寓懷寄朝中親友

命與才違豈自由我身何負我身愁臨生
白髮方監郡

遙指青衣懶上樓

郡南有
青山

過客悶嫌踈妓樂小兒慙愛

缺字
貌貅閑吟一寄清朝侶未必淮陰不拜侯

初發嘉州寓題

勞我是犍爲南征又北移唯聞杜鵑夜不
見海棠時在
闌會無負含靈合有知州人若愛樹莫損
召南詩

遊嘉州

一作陵

後溪

開元觀閑遊因及後溪偶成二韻

山屐經過滿逕蹤
隔溪遙見夕陽春
當時諸葛成何事
只合終身作卧龍

監郡犍為將歸使府登樓寓題

幾日監臨向蜀春
錯拋歌酒強憂人
江樓一望西歸去
不負嘉州負此身

蜀江有弔

僖宗幸蜀時田令孜用事圖疏論之令孜矯貶嘉州

左拾遺孟昭司戶使人沈

墓頤津事見令孜傳

鄭谷

孟子有良策惜哉今已而徒將心體國不識道消時折

樂山縣志

卷十二

詩

七

檻未為切沈湘何足悲
蒼蒼無問處烟雨遍江籬

贈行如上人

唐求

不知名利苦念佛老岷峩
衲補雲千片香燒印一作焚篆一

窠戀山人事少憐客道心
多日日齋鐘後高懸瀘水羅

夜上隱居寺

尋師擬學空空住
虎溪東千里照山月
一枝驚鶴風年
如流去水山似轉
來蓬盡日都無事
安禪石窟中

凌雲寺

李習

古寺臨江間碧波石梯
深入白雲窠僧禪寂寂
無人跡

滿地落花春又過

憶荔枝

薛濤

傳聞象郡隔南荒
絳實豐肌不可忘
近有青衣連楚水
素漿還得類瓊漿

賦凌雲寺二首

聞說凌雲寺裏苔
風高日近絕纖埃
橫雲點染芙蓉壁
似待詩人賞月來

聞說凌雲寺裏花
飛空遶磴逐江斜
有時鎖得嫦娥鏡
鏤出瑤臺五色霞

樂山縣志

卷十二

詩

八

題竹郎廟

竹郎廟前多古木
夕陽沉沉山更綠
何處江村有笛聲
聲聲盡是迎郎曲

宋

嘉州作

楊徽之

俗遇臘辰持藥獻
吏逢荷月隔花參
耆宿因來問封部
竹籬西畔是雲南

答勸農李淵宗嘉州江行見寄

宋 祁

嘉州路

峩按部船山圍
杜宇國江入夜郎
天霽

引溪流望涼供水閣眠愧君舟楫急遂欲濟長川

寄持正都官按部嘉眉

范純仁

使者觀風過晚春逢山應暫柅征輪雲埋雪嶺鋪銀界
日射金仙照碧津千里歌謠民足食萬家水竹地無塵
未能結駟相從去簿領空嗟絆此身

嘉州寄左綿王虞部詩

石介

江山如畫望無窮况属昇平歲屢豐萬樹芙蓉秋色裏
千家方響月明中斷霞半赭燕枝木零露偏留笙竹叢
只欠流杯曲水宴風流未與左綿同

樂山縣志

卷十二

詩

九

畱題白崖

龐其章

金地枕巖壑登臨蕩鬱懷林泉圍翠幄仙洞鎖陰霾秋
練澄江靜雲屏疊嶂排坐涼風入竹殿古蘚侵堦瀟洒
來僧舍囂煩厭縣齋白崖今得到無處問洪崖

郭

綸自註綸本河西弓箭手屢戰有功不賞自
黎州都監官滿貧不能歸今權嘉州監稅

蘇軾

河西猛士無人識日暮津亭閱過船路人但覺驄馬瘦
不知鐵槩大如椽因言西方人不戰截髮願作萬騎先
我當憑軾與寓目看君飛矢射蠻羶

初發嘉州

初發古閬闖西風獵畫旂故鄉飄已遠
徃意浩無邊錦水細不見蠻江清更鮮
奔騰過佛脚曠蕩造平川野市有禪客
釣臺尋暮烟相期定先到久立水潺潺

送呂昌朝知嘉州

不羨三刀夢蜀都聊將八詠繼東吳
卧看古佛凌雲閣勅賜詩人明月湖
得句會應緣竹鶴思歸寧復爲蓴鱸
橫空好在修眉色頭白猶堪乞左符

送張嘉州

樂山縣志

卷十二

詩

十

少年不願萬戶侯亦不願識韓荊州
頗願身爲漢嘉守載酒時作凌雲遊
虛名無用今白首夢中卻到龍泓口
浮雲軒冕何足言惟有江山難入手
峩眉山月半輪秋影入平羌江水流
謫仙此語誰解道請君看月時登樓
談笑萬事真何有一時付與東巖酒
歸來還受一大錢好意莫爲黃髮叟

初發嘉州

蘇轍

放舟沫江濱徃意念荆楚擊鼓樹兩旗
勢如遠征戍紛紛上船人擗急不容語
余生雖江陽未省至嘉樹巉巉

九頂峯可愛不可住飛舟過山足佛脚見江滸舟人盡
歛容競欲揖其拇俄頃已不見烏牛在中渚移舟近山
陰峭壁上無路云有古郭生此地苦箋注區區辨蟲魚
爾雅細分縷洗硯去殘墨遍水如黑霧至今江上魚頂
有遺墨處覽物悲古人嗟此空自苦余今方南行朝夕
事鳴櫓至楚不復留上馬千里去誰能居深山永與禽
獸伍此事誰是非行行重回顧

清風洞

員興宗

萬壑森寒如潑水也須蕭蕭吹醉耳飛乘何處覓蓬萊

樂山縣志

卷十二

詩

十一

試喚茶巔玉川子

題丁東水

黃庭堅

古人題作丁東水自古丁東直到今我爲改名方響洞
要知山水有清音

涪翁亭

黃然

清音妙絕東坡老方響名高太史公水遶烏尤談笑外
江連洪雅畫圖中

萬景樓

在漢嘉城中山上登覽勝絕殆冠西川子
令畫工作圖以歸山谷來游時但有安樂

園未有
此樓也

范成大

左披九頂雲右送大峩月殘山剩水不知數一一當樓
俱勝絕玻璃濯錦遙相通指揮大渡來朝宗川靈胥命
各東去我亦順流飛短蓬詩無傑語慚風物賴有丹書
傳小筆仍添詩客倚闌看令與山川相映發龍彎歸路
繞烏尤棟雲簾雨邀人畱若爲喚得涪翁起題作西南
第一樓

凌雲九頂

卽大石佛處初登山時巖壁上悉劖爲小佛不知其數山前佛頭灘受雅江之

衝最爲艱險

聊爲東坡載酒遊萬龕迎我到峯頭江搖九頂風雷過

樂山縣志

卷十二

詩

三

雲抹三峩日夜浮古佛臨流都坐斷行人識路亦歸休
酣酣午枕眠方丈一笑閒身始自由

戲題方響洞

漢嘉廣福院中水洞有聲琅然莫知其所在舊名丁東水山谷易今名且

題詩云云

隔凡冰澗不可越衆真微步壺中月徙倚含風玉珮聲
何須聽作銜賓鐵

問月堂酌別

半明燈火話悲酸此會情知後會難四海宦遊多聚散
一生情事足悲歡鬢絲今夜不多黑酒量徹明無數寬

醉夢登舟都不記但聞風雨滿江寒

別後寄題漢嘉月榭

陸務觀所作同年謂王子蒼萬景嘉州酒名湖亭明月湖

也在州治前方作旗亭月榭正直大峩取太白峩眉山月之語以名傍有一巖景趣尤佳子蒼欲作樓未果

隱吏詩情卜築幽同年惜別勸淹留試傾萬景湖亭酒
來看半輪江月秋川路雖長猶共此夜船空載且歸休
碧巖勝處憑回首好事誰能更小樓

蘇稽鎮客舍

送客都回我獨前何人開此竹間軒灘聲悲壯夜蟬咽

樂山縣志

卷十二

詩

十三

併入小牕供不眠

爾雅臺

王十朋

隱迹江山郭景純學兼儒技術通神蟲魚草木歸箋註
何害其為磊落人

和嘉州通判賈元升見贈

馮時行

山城烏雀喜佳句來春風浣手誦三過散我魄磊胸當
年過秦論千載猶為雄今觀妙好辭蹀躞追前蹤文章
信有種字字含徵宮少城初識面軟語開冲融秋月耿
高懷春冰瑩清衷俱墮人事海煇促難春容况乃燕雀

卑未易參鸞鴻別來叩笮外一笑誰與同羨君對賢牧
快飲如渴虹何當款齋閣餘瀝借衰紅所幸九河潤密
邇千乘封臭味譬草木我輩情所鍾夢隨沫若水下與
九頂通更願洗老眼見君攀翔龍

驛舍見故屏風畫海棠有感

陸游

厭煩只欲長面壁此心安得頑如石杜門欲出歎習氣
止酒還開慙定力成都一月海棠開錦繡裏城迷巷陌
燕宮最盛號花海霸國雄豪有遺迹猩紅鸚綠極天巧
疊萼重跗眩朝日繁華一夢忽吹散閉眼細思猶歷歷
樂山縣志

卷十二

詩

十四

憂樂相尋豈易知故人應記醉中詩夜闌風雨嘉州驛
愁向屏風見折枝

思政堂東軒偶題

羈愁酒病兩無聊小篆吹香已半消喚起十年閩嶺夢
蘋桐花畔見紅蕉

蘋桐嘉州謂之百日紅

荔枝樓小酌

碧瓦朱欄已半摧強呼歌舞試樽罍邦人莫訝心情嬾
新出鷺花海裏來

又

病與愁兼怯酒船巴歌聞罷更悽然此身夫死長爲客
回首夔州又二年

嘉陽官舍竒石甚富散棄無領畧者予始取作假
山因名西叅曰小山堂爲賦短歌

昔人何人愛巖壑爲山未成儲犖确散落支床壓酒槽
大或專車小拳握幽人邂逅爲絕歎脩綆趣取寒泉濯
峭峯幽竇相吐吞翠嶺丹崖渺聯絡石不能言意可解
問我胡爲憐寂寞人間興廢自有數昔棄何傷今豈樂
斯言妙矣予則陋敢對石友辭罰爵爲君寬作十日留
樂山縣志

卷十二

詩

十五

在眼便同眞著脚

望雲樓晚興

小閣東南獨詠詩此生終與世差池夕陽明處蒼煙合
棲燕歸時畫角悲人與江山均是夢心非風月尙誰知
舊交幾歲音塵隔三撫闌干有所思

護國天王院故神霄玉清萬壽宮也廢圯略盡而
規模尙極壯麗過之有感

太霄帝君神霄府一日璽書行海寓築宮奔走誰敢後
萬牛挽材山作礎步虛夜半落雲間玉磬漶漶鸞鶴舞

帝師丞相領使名侍晨按籍紛如雨洛陽臨淮小脾睨
御史立奏投裔土從來桑門喜嘲競舉國冠巾噤無語
古傳東海會揚塵君看此地亦荆榛霓旌仙仗空遺渚
幾缺臺傾知幾春牧兒驅牛齧庭草誰記劔佩來朝眞
斜陽却上笥輿去溝水泠泠愁殺人

登荔枝樓

平羌江水接天流涼入簾櫳已似秋喚作主人元是客
知非吾土強登樓閑憑曲檻常忘去欲下危梯更小留
公事無多厨釀美此身不負負嘉州

樂山縣志

卷十二

詩

六

再賦荔枝樓

只道文書撥不開未妨高處獨徘徊山橫瓦屋披雲出
水自牂牁裂地來暝入簾陰吹細雨涼生樓角轉輕雷
癡頑也擬忘鄉國不奈城頭暮角哀

能仁院前有石像丈餘蓋作大像時樣也

江閣欲開千尺像雲龕先定此規模斜陽徙倚空三歎
嘗試成功自古無

謁凌雲大像

出郭幽尋一笑新徑呼艇子截煙津不辭疾步登重閣

聊欲今生識偉人，泉鏡正涵螺髻綠。浪花不犯寶趺塵，
一泉泓然正在髻下，每歲漲水不能及，佛足始知神力無窮。盡丈六黃金果小身，觀無量壽經云：或現小身丈六八尺。

凌雲醉歸作

峩眉月入平羌水，歎息吾行俄至此。謫仙一去五百年，
至今醉魂呼不起。玻璃春滿琉璃鍾，玻璃春眉州酒名宦情苦薄酒興濃。飲如長鯨渴赴海，詩成放筆千觴空。十年看盡人間事，更覺麴生偏有味。君不見蒲萄一斗換得西涼州，不如將軍告身供一醉。

樂山縣志

卷十二

詩

七

獨遊城西諸僧舍

我是天公度外人，看山看水自由身。蘇崖直上飛雙屐，
雲洞前頭岸幅巾。萬里欲呼牛渚月，一生不受庾公塵。非無好客堪招喚，獨往飄然覺更真。

西林院

一邗盡對江邊像，試比西林總不如。院門對大像最正羣玉蕭

森開士宅五雲飛，動相君書寺額五字唐相裴徹書，道美可愛磴危漸

覺山爭出屐響方，驚閣半虛安得棄。官長住此一盃香

飯薦珍蔬

聽事前紫薇花二本甚盛戲題絕句

紅藥紫薇西省春從來惟慣對詞臣問囚自是籠官分
無奈名花解笑人

同何元立蔡肩吾至東丁院汲泉煮茶

一州佳處盡裴回惟有東丁院未來身是江南老桑苧
諸君小住共茶盃

又

雪芽近自峩峩得
不減紅囊顧渚春
旋置風爐清樾下
它前奇事記三人

樂山縣志

卷十二

詩

六

癸巳夏旁郡多苦旱惟漢嘉數得雨然未足也立
秋夜三鼓雨至明日晡後未止高下霑足喜而有
賦

畫簷鳴雨早秋天不喜新涼喜有年
眼裏香秔三萬頃
寄聲父老共欣然

又

五十衰翁髮半華猶能把酒醉天涯
絲毫美政何曾有
惟把豐年贈漢嘉

晚登望雲

一出修門又十年輩流多已珥金蟬衰如蠹葉秋先覺
愁似鰥魚夜不眠輦路疎槐迎駕處苑城殘日泛湖天
君恩未報身今老徙倚危樓一泣然

又

晚來煙雨暗江干烽火遙傳畫角殘看鏡功名空自許
上樓懷抱若爲寬青楓搖落新秋令白髮淒涼舊史官
飽見少年輕宿士可憐隨處強追歡

小山之南作曲欄石磴繚繞如棧道戲作二篇

羈遊隨處得哦詩掃漑軒窗每恨遲已幻小山寬客恨

樂山縣志

卷十二

詩

九

更添危磴作兒嬉偶留塞上寧無數徑返湖邊已有期
誰遣化工娛此老幽花微拆綠苔滋

又

吏退庭空剩得閑一窗如在翠微間半崖縈棧遊秦路
疊嶂生雲入剡山真有巖居臨絕壑但無魚艇繫寒灣
躋攀自苦君休笑寸步何曾不險難

得成都諸友書勸少留嘉陽戲作

一坐五十日癡頑良可哀新涼爲醉地少訟作慵媒市
柳風煙慘汀蘋歲月催遠官從漫浪垂老嬾低回

市柳汀蘋

皆屬
唐安

迎詔書

憶瞻鑿仗省門前
扇影鞭聲下九天
寂寞嘉州迎詔處
忽聞鼓吹却悽然

送客至江上

多事經旬不出城
今朝送客此閑行
郊原遠帶新晴色
人語中含樂歲聲
天際歛雲山盡出
江流收漲水初平
故園社友應惆悵
五歲無端棄耦耕

雨中至西林寺

樂山縣志

卷十二

詩

三

胸中荆棘費鉏耰
正藉幽尋暫解紛
不盡長江來畫玉
半空飛閣對凌雲
昏昏橫靄憑軒見
沓沓疎鐘隔岸聞
珍重山僧迎客意
螭奩一縷起微熏
小軒下臨羊江
發源自大渡河

休日登花將軍廟小樓

林間縹緲出層樓
欄角蒼茫萬頃秋
曾是胸中著雲夢
不妨此地少遲留

夜讀岑嘉州詩集

漢嘉山水邦
岑公昔所寓
公詩多從戎
至今蠹簡傳多音
想從軍時氣無玉關路
西邊時所作

橫槊賦零落才百篇崔嵬多傑句工夫刮造化音節配
韶護我後四百年清夢奉巾屨晚途有奇事隨燧得補
處羣胡自魚肉明主方北顧誦公天山篇流涕思一遇
次韻師伯渾見寄

眉山漢嘉東西州估船日日到津頭不得講書一行字
倚遍臨江百尺樓黃鐘大呂忽復見繡段英瑤何足酬
願約青神王夫子來醉萬景作中秋

八月二十二日嘉州大閱
陌上弓刀擁寓公水邊旌旆卷秋風書生又試戎衣窄

樂山縣志

卷十二

詩

三

山郡新添畫角

雄

郡舊止角四枝近方增如式

早事樞庭虛畫策晚

遊幕府媿無功草間鼠輩何勞磔要挽天河洗洛嵩

重九會飲萬景樓

粲粲黃花手自持登高聊奮此佳時纖雲不作看山崇
斗酒聊寬去國思落日樓臺頻徙倚西風鼓笛倍淒悲
彭城戲馬平生意強為巴歌一解願

是日作竹枝歌舞

初報嘉陽除官還東湖有期喜而有作

寒一經秋幾醉醒羈愁減盡鬢邊青烽傳八詔登樓看
歌奏三巴忍淚聽好語忽聞還印綬歸心先已繞林垞

呼兒結束從今日鵲語燈花故有靈

累夕燈有花今早鵲聲遠舍皆紀實

初寒

江路常逢雨山城早得寒蘭凋初解佩菊老尙加餐

嘉陽

有崇蘭以入九月盛開

節物知何負情懷自鮮歡浮生看已熟不

必夢邯鄲

嘉陽絕無木犀偶得一枝戲作

久客紅塵不自憐眼明初見廣寒仙只饒籬菊同時出
尙占江梅一著先重露溼香幽徑曉斜陽烘葦小窗妍

樂山縣志

卷十二

詩

三

何人更與蒸沉水金鴨華燈惱醉眠

雨後登西樓獨酌

老覺人間無一欣強尋高處看歸雲天空列嶂開圖畫
水落寒江學篆文四海道途行太半百年光景近中分
交遊賴有麴生在正向愁時能策勲

曉出城東

渺渺長江下估船亭亭孤塔隱蒼煙不堪異縣蕭條地
更遇初寒慘澹天巾褐已成歸有約簞瓢未足去無錢
包羞強索侏儒米豪舉何人記少年

十月一日浮橋成以故事宴客凌雲

陰風吹雨白晝昏誰掃雲霧升朝暎三江水縮獻洲渚
九頂秀色欲塞門西山下竹十萬箇江面便可馳車轅
巷無居人亦何怪釋未來看空山村竹枝宛轉秋猿苦
桑落湫澗春泉渾衆賓共醉忘燭跋一徑却下綠雲根
走沙人語若潮卷爭橋炬火如星繁肩輿睡兀到東郭
空有醉墨留衫痕十年萬事俱變滅點檢自覺惟身存
寒燈夜永照耿耿卧賦長句招羈魂

出城至呂公亭按視修堤

樂山縣志

卷十二

詩

三

翠靄橫山澹日昇孤亭聊借曲欄憑霜威漸重江初縮
農事方休役可興重阜護城高歷歷千夫在野築登登
寓公僅踵前人迹伐石西山恨未能

西州築堤織竹貯江石不三年輒壞

意謂如吳中取大石甃成則可支外異日當有辦此者

登樓

從來好境遍人間無奈勞生自欠閑江近時時吹白雨
樓高面面看青山歌聲哀怨傳三峽行色淒涼帶百蠻

嘉陽近諸蠻

流落愛君心未已夢魂猶綴紫宸班

嘉州守宅舊無後圃因農事之隙爲種花築亭觀

甫成而歸戲作長句

吾州山水西州冠正欠雄樓并傑觀竒峯秀嶺待彈壓
明月清風須判斷三峩舊不到郡齋創爲詩人供几案
煙雲舒卷水墨圖草木青紅錦繡段一時冠蓋共登臨
百年父老俱驚惋縈回舞袖試弓彎宛轉歌聲學珠貫
佳人蜂蝶爭遶鬢上客龍蛇看揮翰寓公雖作一月留
梅發東湖歸思亂兒戲聊成此段奇陳迹應留後人歎
明朝艇子泝平羌却伴謫仙遊汗漫

十月十九日與客飲忽記去年此時自錦屏歸山

樂山縣志

卷十二

詩

十四

南道中小獵今又將去此矣

去年縱獵韓壇側玉鞭自探南山雪今年痛飲蜀江邊
金盃却吸峩眉月竹枝歌舞新教成淒怨傳得三巴聲
城頭築觀出雲雨峩眉正與闌干平酒酣詩就擲盃去
醉蹋玻璃江上路懸知幽磻斷橋邊已有梅花開半樹
雨中登樓望大像

去年寒雨中騎驢度劔閣今年當此時卧聽邊城柝巍
巍千尺像與我兩寂寞交遊閱四海此老差可託但當
頻自省諸惡誓莫作時時一憑高相望要不怍桑間戒

三宿堅坐豈渠樂却應輸老夫新春買芒屨

冬日

幸是元無了事癡偷閑聊復學兒嬉午窗弄筆臨唐帖
夜几研朱勘楚詞山暝已無梅可折江清猶有蟹堪持
舊交乖隔音塵斷安得歌呼共一卮

蜀中惟嘉州有蟹

快晴

地闢天開斗柄回今朝紅日遍池臺新陽蘇醒春前柳
輕暖醫治雪後梅瓦屋螺青披霧出錦江鴨綠抱山來
衰翁也逐兒童喜旋撥文書近酒盃

樂山縣志

卷十二

詩

五

十二月十一日視築隄

江水來自蠻夷中五月六月聲摩空巨魚穹龜牙鬚雄
欲取闔市爲龍宮橫隄百丈卧霽虹始誰築此東平公
今年樂哉適歲豐吏不相倚勇赴功西山大竹織萬籠
船舸載石來亡窮橫陳屹立相疊重置力尤在水廟東
我登高原相其衝一盾可受百箭攻蜿蜒其長高隆隆
截如長城限羗戎安得椽筆記始終挿江石崖堅可礮

舟中對月

百壺載酒遊凌雲醉中揮袖別故人依依向我不忍別

誰似我眉半輪月月窺船窗掛淒冷欲到渝州酒初醒
江空裊裊釣絲風人靜翩翩葛巾影哦詩不睡月滿船
清寒入骨我欲仙人間更漏不到處時有沙禽背船去

離嘉州宿平羌

初挈囊衣宿水村蕭然一掃舊巢痕木來信手忘工拙
却爲無心少怨恩自笑遠遊諳馬上已營小築老雲根
淡煙疎雨平羌路便恐從今入夢魂

烏尤山

張方

竹橋沙水烏尤渡絕壁孤崖意氣驕故與凌雲分半坐

樂山縣志

卷十二

詩

美

僧窻假寐見金蕉

以其似金山焦山也

續和曹司高齋韻

薛綏

坦性渠濃嫌我真斗升誰給太倉陳悠悠江漢飄零客
落落乾坤老病身心歷百艱彌感奮詩留千古越清新
高齋高處齊文焰付與從今仰止人

元

送張可道赴嘉定太守

成廷珪

秦中百二漢關河會記乘驄舊所過棧道地形天下險
嘉州風物古來多分符又叶三刀夢入境先聞五袴歌

父老扶筇親引導將軍負弩疾撝訶錦袍銷落金爲帶
白馬聯翩玉作珂興學固當崇俎豆防邊還爲戢干戈
四川畫省勞詢問一郡蒼生望撫摩樓倚青冥來萬景
山橫紫翠接三峩題書別館魚堪寄退食公堂雀可羅
西蜀考功當第一他山有石爲君磨

明

凌雲寺

蔡禎

宿雨朝來霽江邊見九疑青嵐含秀色碧樹見晴曦門
對三峩古山迎萬景竒可憐佳麗地只欠少陵詩

樂山縣志

卷十二

詩

毛

手植海棠於學

廖俊

會於雨裏覓蒼苔幽洞移來手自栽枝幹已成人欲去
好花他日爲誰開

凌雲寺

魏瀚

一麾來作嘉陽守載酒凌雲幾度遊案牘紛紜因客遣
詩篇爛熳爲僧留三川俯視雲生足獨鶴橫飛天在頭
光景無邊情不盡夢魂長夜繞滄洲

贈別安鴻漸給諫

陸深

西馳萬里道送子不及遠萬里非所嗟覲子恐歲晚青

青蠶叢山歷歷太行坂驅車從此去相顧各繾綣
青城多異境峩眉隱新月巴江從東來紆曲如一髮秋
氣勁榎楠春風長薇蕨行歸及桑梓山川共輝發

凌雲寺

安 磬

林竹斑斑日上遲烏啼花暝暮春時青衣不是蒼梧野
卻有峩眉望九疑

青衣江上水溶溶隔岸遙聞戒夜鐘暫借竹床聽梵放
月華初到第三峯

金身誰鑿與雲齊傳道韋臯鎮蜀時紺殿千層零落盡

樂山縣志

卷十二

詩

天

寺前唯有放生碑

同人登萬景樓

夢覺東園春氣浮坐移松檻曉梳頭扁舟坐誘湖南客
細雨來登江上樓歲月肯容人住足鶯花不厭酒消愁
杖藜明日遊何處報爾龍泓水竹幽

凌雲寺

楊 慎

我到嘉州纔一日凌雲寺前寒雨晴雲開天路三峩影
日下烟消萬井明載酒喜陪嘉客坐留衣漫與野僧盟
江頭雙櫓輕於鳥回首遙瞻隔幾程

和余懋忠青衣別後追寄之作

抽簪畫江沙寫出腸斷詞遙寄百里人見君昨夜思昨夜復今朝百里又千里歡遊坐成隔乖離從此始乖離渺何許異國猶鄉土雲從青衣來月自峩眉吐雲月兩悠悠光景爲君留因之托宵夢遠到海西頭

送徐用先歸嘉州

客有歸歟嘆言從隱者流高議在青瑣吾道付滄洲滄洲多故人夙昔諧幽賞嘯歌丹巖邊攜手紫霞上璧津春水生波浪動江城岷嶺秋芳落清音滿蘭若亦知江

樂山縣志

卷十二

詩

无

湖憂不廢登臨樂迢迢結桂枝望望阻相思殷勤三歲字惆悵四愁詩伊予慕儔侶睽離分晤語何時峩眉雲來作人間雨

雨夕夢安公石張習之覺而有述因寄

滇越隣天竺叩嶽隔夜郎五離殊畛域一別異爰涼竄逐他時並羈懷此夕長歡娛漸迢遞晤語落暄茫嵐靄爰蒸國烟波瘴癘鄉秦關生馬角蜀嶺斷猿腸折坂沉黎壁懸繩沫若梁南盤堆鉤醬西髡緝枕椰羅漢標孤檜觀音映遠楊湖街龍簇市

土人以辰日爲市名龍街

海貨貝投莊

滇貨以一貝為一
莊四莊為一首
卉服喧叢薄雕題列大荒
逡巡烏爨

弄鳥爨古之烏蠻今之獠人也其樂謂之爨弄唐世取樂府以為笑云噉咷白獐章白獐

今麗江麗江雉雋夷霄迴也事具漢書鳶飛站星低其地不時暴風如嶺南之颶風土蠱飲光夷人畜蠱夜

如星之曳尾裸風氛甚惡人名曰堀裸風賦云堀揚塵也

南露毒仍防樹偃申家屋荷凋屈氏裳獨愁吟皚雪九

辨感清商永晝消棋陣流年付酒狂扞弓穿鵠鵠鼓柅

泛螳螂鵠鵠鳩也澗名螳螂川名康樂吳趨激鍾儀楚奏傷盼歸頻

握精憶舊幾停觴夙昔交遊日崢嶸翰墨場金蘭通氣

味桑梓借徽芳健筆誇鸚鵡靈陶憂鳳凰執鞭從李杜

樂山縣志

卷十二

詩

三

傾蓋許班楊賈誼三書切相如四賦良軼塵追騶裏缺

岸倚踦牂百斛扛文鼎千帆掣駛檣仙才輕綬冕公望

重珪璋蒲席青塊地薇垣紫界墻璇閣高曳履瓊蓋儼

分行笏捧綸囊奏衣飄畫省香輦花簪蠹蠹池草佩鏘

鏘傑直承明下經過韋曲旁翠微橫半岫白水溢方塘

曠宿招提境雲眠蒼蔚房樵歌寒薜荔漁影照滄浪倏

忽嗟岐路參差散頽頽薰華晨逗雨莫莢曉凌霜拂鬱

干將劍聯翩戍客裝峩眉臨絕頂灑旣苑中央樾蔭江

楓赤庭蕪寒葉黃閉門非泄柳深壘詎庚桑紛緒琴心

懶衰顏鏡匣藏屏居親狹狷坐嘯和蛩螢張敏情還劇
安期好不忘形骸元脫畧身世且倘佯蚓壤甘怡槁鴻
冥豈慕梁艱虞寧暇問吾道任蒼蒼

安公石館賞並蒂蓮得井字

何處同心花移根七仙井日彩曜聯華風漪漾雙影金
塘宛虹歆翠盞沉霞靜已近交疏窻復接參差荇露飲
對璧人涼颺失爰景南遊遲采芳相思歲將冷

首夏送東城邵園餞彭子充給諫得送字

遲遲東晷移習習南薰動暄樹語綿蠻晴嵐收蝮蝻美

樂山縣志

卷十二

詩

三

人獨遙裝良儔遠相送城隅敞行筵陌塵靜飛鞚漸臺
高白虎梓澤隣金鳳掛衣女蘿谿展席仙霞洞香飲散
清陰雲液流春甕鷓首且沿迴驪駒太倥傯竹枝巴渝
聲桃葉江南弄明發聽晨鐘悠悠隔江夢

嘉州江上邂逅李蟠峯天使卽事一首

皇華原隰素絲行仙里庭闈綵服明家慶國哀同盡節
望雲就日總含情留連結桂橈相倚邂逅班荆蓋共傾
抱病江天淹戍客煩君傳語碧鷄城

嘉州登舟

馬上風塵倦登舟似到家雨晴涼意足含笑對江花

凌雲寺

彭汝寔

誰從雲際結孤亭萬壑蒼烟倚翠屏
二水欲浮天然影一簾初落月華青
詩盟敢向尊前定塵眼常於座上醒
歸月送人涼露滴石洲古渡未全冥

雨宿西波寺

程啟充

竹裏瀟瀟雨清涼入夢新向來投老計
今作問禪人野徑休愁滑山林未洗塵
凌晨登絕頂雲海寄閒身

探仙洞遂遊釜山

樂山縣志

卷十二

詩

三

陰洞秋彌冷浮雲晝不開未教綠雨阻
猶作看山來仙去餘丹竈年深生紫苔
欲隨雙白鹿從此到天臺

卧雲菴

行遊三十日強半苦躋攀禪榻依雲卧
空天見鶴還江聲多世味風物老醜顏
我有春山樂人誰白首閒
登凌雲山寺同黃門安公石同寅徐用先
以道

諸公宴集

蔡

巴蜀觀風遍江山至此幽三峩呈遠秀
二水合前流攬轡慚山履偷閒作勝遊
禪心那可學燈火又嘉州

席上送安松溪

曾璵

夜堂尊酒坐深更，脈脈新愁醉裏生。
世事驚波如斷梗，臣心無路請長纓。
雲霄接武慚王貢，風雨連牀似弟兄。
明日片帆移別浦，夢回征鴈落潮聲。

凌雲寺

陳于陛

塵迴三天淨，秋清爽氣來。
江光千派合，山色九華開。
雲起龍歸鉢，風平客渡杯。
夜深看皎月，人在妙高臺。

凌雲寺

李長春

石磴盤雲仄，香臺抱日晴。
層巒迴遠色，高浪擁春聲。
浩

樂山縣志

卷十二

詩

三

劫前朝蹟浮生我，輩情結廬吾室邇。
底事馬蹄行已返靈山馭，還因初地來鬱盤。
江嶂合迢遞，水雲迴細草承。跌坐流鶯對酒杯，猶餘孤興在末上。
景純臺

送陳仲道餉延綏歸嘉定州

湯顯祖

司馬西遊賦筆間，相將蜀道出秦關。
鄉心歷落焦原上，河色蒼茫斷磧間。
騎影甘泉魚乍躍，塞雲高館鴈初還。
海棠香盡歸休晚，解道峩眉似遠山。

凌雲寺

李時華

蓮花凭岸起，鷲嶺倚雲開。
月渡青衣水，烟沉爾雅臺。
松

濤迎吹入江浪載天回何處菩提樹移來勝地栽
物外塵都淨山中日更長龍孫如獻客魚鳥盡乘陽山
樹連天碧江烟入夜蒼澄清吾有志一曲到滄浪

蔡發吾廉憲招飲凌雲時積雨初晴落照掛翠峩
上妙不可言卽席漫賦

范醇敬

使君選勝綺筵開美酒珍羞海上來老我清狂猶着屐
多君高興許登臺坦夷不作尊官氣簡靜眞爲大吏才
最喜山靈偏解事紅輪翠巘兩竒哉

洗墨池

袁子讓

樂山縣志

卷十二

詩

三

江上高山山上亭乾坤到此有餘清天邊正練飛來合
檻外峩眉畫不成香泛墨池春後雨風傳仙梵月中聲
登臨始覺浮生苦一醉從教減宦情

凌雲寺

高任重

放棹官情遠開樽俗事稀山僧迎客出水鳥趁人飛野
曠烟光薄江清日影低他年開府至應識舊遊磯

時錢胡二

溪廉憲

鷺嶺朝霞散汝江暮靄分同登應有分劇論到無文槍
影當簷滴鐘聲隔壠聞遲迴迷曲徑歌管遏流雲

凌雲寺

胡定

高適才名舊交情海內稀白雲邀我宿彩筆向人飛載
酒晨相送扁舟露未晞汀洲淹別處他日使君磯
古寺鬱招邀飄飄引洞簫金巒迴白日曲磴上青霄覽
勝頻移席凌虛悟棄瓢蘭闥吾愧汝無補聖明朝

自凌雲登舟懷程初亭

冉宗穆

芒履乘春凌九島輕帆入夜渡三江疎燈片舫孤村宿
急雨驚濤兩岸撞興感碧山情自適夢回池草意何降
明朝遠下犍爲去回首嘉州正倚牕

樂山縣志

卷十二

詩

三

凌雲山近河亭爲俞給事賦

任有齡

山撐玉筍真崔巍峩眉匝岸俱周迴下有驪龍抱日影
上有松幹參雲堆東坡會此一洗墨濡毫染就陂塘黑
文章擅盡草木英忠貞應共風霜烈我侯丹爛還同心
登山攀徑披遙岑蓬萊暫下住九頂藻詞隨處揮精金
誅茅猶是古來址占勝新開亭上美喜有瀕洞三江流
似是黃河九曲水河水滔滔澤潤新漢嘉敷惠日生春
直節更與岩巖並共道蘇仙是後身君不見郭璞臺前
爾雅書至今遺跡在江魚何當洗盡山河色清月同輝

照碧虛

贈楊將軍展

費密

高懸絳節拜諸侯
報國丹心事已酬
繡甲萬人秋射虎
寶刀千刃夜椎牛
軍中氣肅朝聞角
墅外風清獨上樓
自古分茅多異姓
今公湯沐在神州

國朝

送張玉甲憲長之官邛雅

原註順治十八年玉甲分巡上川南道駐嘉定

州

秋水連天棹五湖
勞勞亭畔客心孤
飄蓬宦迹空迢遞

樂山縣志

卷十二

詩

美

浩劫山川尙有無
石鏡開花惟自照
邛筒憶酒向誰沽
蕭條大散關頭路
匹馬西風入畫圖

劍外新傳百道通
十年群盜漫稱雄
橫刀割取青神渡
烈火燒殘白帝宮
豈有山川歸李特
猶能車馬識文翁
誰將牛斗龍泉氣
移在天彭井絡中

岷峩悽愴百蠻秋
路折邛峽九坂愁
城裏白雲從地出
馬前黑水向人流
松番將在看高卧
雪嶺僧歸話遠遊
欲問辟支諸佛土
貝多羅樹卽關頭

錦官春色故依然
料理蠶叢半壁天
葛相祠堂尋有蹟

我憶東坡老居士不宜翻愛嶺南鄉

庚午初秋遊凌雲山

龔傳圭

何人不思凌雲遊西南山水惟嘉州三江滔滔三峽接
天高日朗開新秋驚濤勢劈山脚危萬丈深潭黑迷離
蟻旋百磴上峯頂石罅泉流細方滋古木陰森橫巖際
碧蘚蒼苔無煩蕪曲欄石障峻坂險大佛頭從絕壁鏤
修竹萬竿繞迴廊倚瞰江流一帶長置身儼在霄漢上
四面山光轉蒼茫登樓一望發長嘯蘇子遺像正年少
江山如此興倍豪千載幾人歌同調吾弟作宰來南安

樂山縣志

卷十二

詩

三

白髮老親喜團圞青衣江畔乍寓目強健不藉扶杖歡
滿座高朋騁懷抱載酒良宴期汗漫今日斯遊果如願
那知封侯與識韓飄飄便作出塵想縱有硯礪消激湍
索渡歸來暮烟起新月多情懸林端

辛未春閏廿九日梅生太守暨雲舫明府邀同幕
中登凌雲寺讀書樓泛舟至泌水院晚集心鍊石
齋小飲席間率成七律五首

趙佩湘

旬餘小憩古嘉州人已凌雲
時方試竣我漫遊不住潮音過
佛脚笑然嵐翠擁山頭江天一色風帆穩水石千重畫

夜浮拾級同登最高處與來渾欲狎沙鷗

小小蘭舟兩槳開同人載酒到山隈激衝水腹層層湧

合沓峯頭面面來足下檣帆隨岸遠眼前烟火隔江堆

天光雲影供舒眺澈底澄清亦快哉凌雲寺二首

清才雅調齒牙芬到處留題補闕文謂梅生石窟鑿成

千丈佛慈航結就一江雲書殘人杳樓空在筆秃池荒

若尙紛爲訪仙蹤閒坐久清音繚繞氣氤氳坡公讀書樓一首

方亭半畝水漣漪太守鴻才相度之緣隙常聞聲浙瀝

有花偏覺影芳蕤四圍疊石規模好三面環流結構宜

樂山縣志 卷十二 詩 三

偶爾棲遲衡泌下山林城市合題詩壁間有梅生太守落成記並同人題

詠詩 泌水院一首

心齋缺石廣平若平地樓臺點綴餘楹聯有平地樓臺供點染句儘

有烟雲供筆墨署中憩園十景均有和作慣將簫管動池魚

心鑑書堂有方池數弓遊魚甚夥而歌臺卽臨池結構清音竹徑游曾紀明月梅

花手自鋤齋中有梅數十本更感苔岑敦古誼節勞校士屢開

余 心缺石齋一首

奉陪雲浦學使遊凌雲寺登東坡讀書樓泛舟至

泌水院晚集心缺石齋小飲用步原韻五首

龔傳徽

青衣山水冠梁州自昔爭誇載酒遊
奔馬灘頭趨壑底插雲峯勢俯江頭
僧房寂歷幽篁繞城闕參差曉霧收
閒倚石欄供嘯傲急湍片片下輕鷗

春帆遙指百蠻開人是瀛洲第幾隈
蜀道山尖皆北向峩眉風景自西來
天光四面青相合樹影千重翠欲堆
呼吸真堪通帝載一聲長笛興悠哉

凌雲寺二首

坡公到處誦清芬太守搜殘感舊文
千載神遊大佛地當年情寄一溪雲
讀書萬卷非空抱縱覽層樓絕俗紛

樂山縣志

卷十二

詩

三

且祝瓣香畱戀久高山爽氣倍氤氳

坡公讀書樓一首

傍巖鑿沼漾春漪塵事無侵快所之
曲水橋通行迤邐盈階草長色蕨蕤
高低亭閣因依好斜直欄杆點綴宜
佳趣饒他方外得何殊泌水咏風詩

泌水院

鍊石心齋水竹居賞心樂事在公餘
綠梅香裏春啼鳥紅藕花中夏戲魚
人睹景星逢夜宴圍經甘雨帶雲鋤
陽春不惜郵籤寄名輩高情足起予

心鍊石齋

漢嘉竹枝五首

龍游城郭碧玻璃西望三峩曉黛滋分取三江作明鏡
鏡中各自照蛾眉

城頭山色久虛無城下清波望鬱姑白塔紅船歸去晚
嘉州也復有西湖

側生一樹會江門水遞年年進大藩寂莫蜀宮三十載
夕陽零落荔枝園

竹公溪口水茫茫溪上人家賽竹王銅鼓蠻歌爭上日
竹林深處拜三郎

樂山縣志

卷十二

詩

四

平羌峽裏府江來西望青衣抱郭廻大佛足前相會合
早潮晚汐不分開

嘉陽登舟

青衣江水碧鱗鱗夾岸山容索笑新悵望三峩九秋色
飄零萬里一歸人亭臺處處餘金粉城郭家家繞綠蘋
信宿嘉州如舊識荔樓樓好對江津

江行望烏尤寺

墨魚吹浪一江浮爾雅臺荒古木秋碧水丹山留不得
風帆回首別烏尤

中秋後得富順范生嘉州帥生書知其陷賊不辱
偽命遂有是作

幾載豺狼橫巴蜀今朝書尺慰相思天彭井絡欣無恙
仗劍佯狂更不疑會見費貽徵合浦何妨甄濟動京師
汝曹識字知忠孝一笑南樓倒接羅

寄費二參軍此度嘉州

邱履程

刀鋌初出骨空存又曳輕裾上將門才畧自能追越石
旌旗誰復似桓溫芙蓉麗發新文藻薜荔衣香舊夢魂
志士何妨聊袖手空山歸卧聽啼猿

樂山縣志

卷十二

詩

望

中秋嘉州江樓看月同喬銘止張之一

朱昇

秋風嫋嫋動江津故國尊絲又一新遂有客心驚勝地
却憐明月送行人漁燈影樹成三五嵐氣侵衣共主賓
他日京華裘馬伴莫忘此夕對冰輪

嘉州食墨魚感賦

龍爲霖

嘉州有嘉魚蹙鱗排點漆龍身燕尾長雙鬢并鐵直二
月天氣和春風鼓百蟄倔強立泥沙矯如樹黑幟市之
羅縷膾芳鮮妙無匹夙聞箋蟲魚墨瀋如點滴吞之遂

潛化如蝕神仙跡郭公固多奇此語難窮極獨怪鎮江
鱗跳網若銀色千里走京華歲共上方食斯物寧不貴
何爲故鄉擲悠悠世間人尙元不如白

過大佛崖

彭端淑

百丈凌雲上三江滙足流波濤長在眼風雨幾經秋曲
徑迷行跡蒼苔點客舟舟行倏已過回首別嘉州

嘉州二首

宮去矜

弭棹嘉州郭城頭接四荒三江會足底九頂接眉梁潮
落罾魚舅年登賽竹郎入門如舊識喜劇振衣裳

樂山縣志

卷十二

詩

三

萬戶侯何有微言信可詮古今相代謝山水自清妍白
酒多論石黃鷄不計錢溪邊吾欲隱宿鷺已心先

丙申秋七月予養痾凌雲寺時彭山袁生沆讀書
其中從余登九峯述九峯之名請書之石壁因系

以詩

錄二首

顧光旭

棲鸞峯

鸞棲復何處巖壑有清音惆悵坡仙去秋山空自深

擁翠峯

平頂合烟嵐侵衣拂濃翠講堂不可尋斜照殘碑字

琴卧峯

茲山非南嶽之子抱琴卧琴卧不可彈我吟磻松坐

次韻奉酬吳白華庶子視學嘉定見寄軍中之作

陳奉茲

漢嘉山水日氤氳比似新詩秀不分憑向凌雲閒認取
如舒還卷是歸雲

戰地徒行夜雪岡生還不欲憶沙塲寄來險語逢人讀
又可誇張白首郎

孟蜀遺經泐石痕腹部字法漢唐存何人衣鉢雄文字

樂山縣志

卷十二

詩

三

三館先應試狀元

五嶽尋仙意自豪不愁邊塞已霜毛莽蒼適有鐙巖興

肯負行囊便卸挑

來詩有鐙巖文體
重見羽毛之句

白題荔枝圖

李調元

昔年會到臨邛署只見荔枝不見樹雨葉風枝出小籠
紅羅白玉留新句一生飽識嶺南姝不及嘉州色味殊
六樹垂垂江岸發孤舟寫出荔枝圖

遊凌雲山卽事賦四律

沈清任

十年始踐凌雲約空使山靈笑我忙坐看九峯心已攝

睇觀三水劫難量伏螭全借禪師力載酒常叨仙客光
欲上層樓迷望眼不堪回首是他鄉

櫛比鱗排百萬家金墉倒影插平沙祇今佛績崇秦李
自古雄州數漢嘉山色全蒼魚網散江聲欲落酒燈斜
海師洞口徘徊立可有天風散雨花

如如寂照漾空明終古常留大佛名伸脚不教河鬼怕
舉頭都是梵王聲朝瞰市舶檣盈積夜雨孤帆柝滿城
怪底波翁欲爲守此中康濟有餘情

龍山極目故人居遊屐會勾一月餘作記直須開海眼

樂山縣志

卷十二

詩

四

放懷真若引仙裾名題短碣成蒼碧字擘華箋寶墨書
差喜雅堂能愛護近來眠食定何如

題朱穎叔運使爲王東白大牧補寫凌雲志別圖

卷子後

查禮

巉巖九頂排九連坡公載酒會流連雖然可愛不可住
亂峯峭抹青雲烟穎叔平生嗜山水筆與王宰紛爭妍
宦遊未作漢嘉守看山偶泊書畫船王郎詩才妙入畫
知音晤對興欲顛擘絳擬倩圖輞川圖成邱壑眞蒼然
自謂清境足千古豈知誤落蠻山前兩萍再合鷓城內

潑墨重寫凌雲巔別去天涯一揮手茫茫淮海情交牽
吾老襟懷思靜便恨不凌雲置枕眠披圖試覽江山勝
嘉州城角烏尤偏襯出凌雲四百尺惜無傑閣棲金山
南山半面恍若接古洞清音神理全嗟哉昔人多勝蹟
名山素軸幾流傳今君持之將北上青門舊友皆英賢
題詩如問松州九峯老又將題兵遠出紅橋青海邊

陪遊凌雲山和沈澹園觀察原韻
衷以壘

一官匏繫鬢成霜簿領粗閒蠟屐忙如此江山供眺覽
無邊風景費評量禪師特具移山力大佛常留滿月光

樂山縣志

卷十二

詩

聖

怪底紅塵飛不到第三峯過卽仙鄉

飽貯烟霞別有家行穿石磴踏瑤沙遊山便擬同坡老
作守何緣到漢嘉陰洞古碑全剝蝕斷崖枯木半欹斜
塔鈴不語諸天靜開過空林白柰花

雉堞峩峩照眼明蠶叢開國舊知名當樓綠樹含雲影
入夜驚濤作雨聲蟹舍漁村喧近浦棲鸞集鳳抱孤城
重尋爾雅臺何在不盡淒涼弔古情

護法慙余未敢居名山相伴七年餘朝憐翠色侵官舍
暮愛嵐光上客裾得句共酣婪尾酒留名重勒擘窠書

遠公倘許參蓮社一笑溪頭意灑如

輓周烈婦彭氏詩 附小傳

烈婦姓彭氏樂山符溪鄉農家女也年十七適同里周氏子某爲室未逾年而夫沒烈婦呼號搶地誓不欲生及旣葬常攜麥飯一盂哭于墓所淚斑斑成血哀感路人父母以其年少欲奪其志烈婦微聞之愈悲泣不自勝乾隆五十二年五月十六日瞰家人往田工作遂解帶自經于寢詎其夫之死兩年矣里正以其狀聞余肅

樂山縣志

卷十二

詩

異

然曰此節烈也急出素纁大書捐軀殉節四字以獎異之惟格于成例不獲與旌門之典爲可惜云嗟乎節婦一農家女子耳非有詩書之澤保母之誠顧一旦引義自裁全受全歸若此此豈有所作而致哉所惡有甚於死也世之婦人女子或因毫末細故不忍忿忿之心而輕其身于一擲者所在皆是及大義當前反苟且遷就偷生視息于天地之間以視烈婦其賢不肖之相去何如也

蘭生蒿艾叢蓮出淤泥裏孤潔性所成外物豈能滓變
彼彭氏女娟娟慧且美生長符溪鄉蓬門謝羅綺十七
移所天巾櫛侍君子偕老願方深中道忽變起藁砧不
復歸妾恨無窮已淚滴墳草枯心共寒灰死長跪謝姑
章有叔供甘旨寄語別父母女命薄如縞闔戶竟投繯
靡他甘自矢大節重邱山異事詫鄉里吁嗟禮教衰習
俗頗媮靡凱風吹棘心誰作中流砥女也德不爽盡雪
巾幘恥貞魄返重泉芳名耀青史奉告采風人請自郭
隗始

樂山縣志

卷十二

詩

七

烏尤山爾雅亭懷古並弔穆太守丹

王用儀

嘉州東北上有烏尤山山在凌雲青衣縹緲之中間孤
嶺撐空勢突兀涼風獵獵飄禪關相看攜筇登岸去斗
覺清幽息萬慮靈鷲一抹青糝糊傍有景純讀書處景
純先生經術才全編爾雅標新裁魚蟲銜墨落江水古
香襲袂波中來流風已歇還稽古此地吉光留片羽剝
蝕風霜兵燹餘蘭臺石室委塵土辟荆蕪足窮冥搜茹
亭獨出高峯頭貞珉鐫自前明代一片石兮足千秋足

千秋一片石風雨時呼號鬼神護精魄百年亭子成邱墟惟有蒼松野竹紛交積我來尋覽暢清遊直欲排雲叫閭闔流連斷碣頻摩挲西望斜陽宰堵坡徑入旃檀禮方丈山僧爲我陳縷覩穆公前領此邦守欲葺斯亭議已久嗟公地下作修文道旁築室空回首我聞此言增太息典型淪落思無極穆太守丹爲余同門前輩治嘉州有聲惜未久卒穆公經濟文章邁古人霖雨偏灑嘉州民祇今淚墮峴山石名賢心事難重陳峯轟轟兮雲岫樹密密兮芳春憑吊遺踪日暮難爲別惟聽數聲柔櫓咿啞江水濱

樂山縣志

卷十二

詩

哭

登嘉陽郡城樓

謝肇洙

北岸城南岸壩城彎如弓壩如射上游怒濤紛騰瀉南日成梗北成罅城東一角危如借蟻聚編茅結廬舍行歌睡夢不知怕昔聞此城本與江相跨東水陡門築其下舊蹟已與物俱化至今灘聲尙終夜蠶食年年楚侵夏我憂如焚人轉訝何須遠慮說禍嫁匪今斯今見豈乍歲在丙午地軸卸坤輿動蕩震西華青衣沫水忽雲駕此城卧倒薔薇架官奔吏竄湯火炙百姓登看遊水榭驅之不去禁不罷隨城淹沒相枕藉身輕命賤同縶

價愚民可憐不須咤况今優遊日正暇婦女禮蠶男祭
蜡那知迅雷怒不赦一二父老勝流亞魚皮護根如覆
杷城下竹編石
子日魚皮篋治國以王不以霸速去其壩塵擣麝毋
使他年傷禾稼橋頭滄泣秋風灞嗚呼人力不我假乃
躬不逮言之詐附輿空執王良靶無材朽木愧檀柘守
臣親民如僕射好官那免笑且罵

嘉州送友

錦水下漢嘉清江淺見底三朝復三暮浮沉鷗鷺裡閒
人非忙人舟輕不欲駛大雨從北來萬山飛瀑起一葉

樂山縣志

卷十二

詩

晁

在中流騎馬加鞭似飄飄水送舟却如人送水到嘉與
江別我止水不止我止水尙流水流到故里道遠水悠
悠長風吹瀾瀾更有未歸人漫卷詩書喜

凌雲山九峯詠

朱雲煥

集鳳峯

九頂巉巉接九龍汶江漾沫聿朝窈聖岡鳳集東山上
知是凌雲第一峯

栖鸞峯

斗厓懸挿巧栖鸞彌勒凌空眼倦看閣上七層三百尺

青衣江水滙南安

靈寶峯

秘開靈寶擘雲根三水交投萬馬奔光相娑邏坪外見
諸峯羅列此峯尊

就日峯

日抱扶桑就日開青州紅見小蓬萊四峯矗立三高筍
遙駕蒼龍海上來

丹霞峯

丹采軒軒舉若霞平羌江口水欵斜子瞻萬戶侯封願

樂山縣志

卷十二

詩

辛

載酒凌雲說漢嘉

祝融峯

擬向天南問祝融嵐光嶽色遶湘東離堆笑出烏牛狀
帆轉衡山九面中

擁翠峯

九點疎烟擁翠螺三江拊笑又三峩年前五百閒中坐
誰向亭邊指爛柯

望雲峯

望雲峯下對嘉州萬景山巔萬景樓文學犍爲箋爾雅

蟲魚不注注龍游

兌悅峯

兌悅西迴疊九層清音亭立看金燈十洲三島何須覓
如此江山得未曾

泊嘉州城下

陳登龍

夕烟生空江輕舟一時暝
夢覺夜已闌風泉滿清聽鐘
鳴古寺遠寒重孤燈凝蕭蕭
蕭佩蒞懷因之發遙興

舟過嘉州徐玉崖觀察謝定菴太守迎候江濱邀
登凌雲山設樂釀飲並招同趙少鈍太守程暘川

樂山縣志

卷十二

詩

五

司馬毛海客令尹讌集清音亭作五言古詩三十

韻紀之

惠齡

青神朝放棹日午臻嘉州觀察暨太守迎候河之洲執
手道欵曲堅請凌雲遊片帆一以渡江面平如油須臾
至山脚弭楫登竹堦盤盤四五里石徑阻且修遂上最
高頂好景無邊收人烟襟郡郭塙影懸波流九頂近可
數三峩遠難求維時值陰晦嵐壑雲烟浮乃復探古蹟
一一窮其由言尋海師洞陰崖闕深幽載考註雅處遺
趾埋荒陬舍人與郭璞証據無能搜刻石雖有辨荒渺

同悠悠不如舍危級登頓復小休延緣亦徙倚整衣讀
書樓東坡昔年少寓此窮壤邱像貌尙如覲魂魄猶應
留再拜別公去便欲歸輕舟諸君競載酒山館羅嘉餼
得此良宴會聊以攄離愁笙歌復間作小部揚清謳執
爵再三勸各各飛觥籌深酌不辭醉夜漏催銀虬繫余
鎖巴蜀束縛心煩憂孤負好山水塵俗實所羞茲以量
移故始得開心眸奈何王程迫揮袂趨征郵山靈倘有
約他日登烏尤

凌雲席上送惠瑤圃先生移節武昌同謝定菴趙

樂山縣志

卷十二

詩

五

實君作

徐長發

凌雲山色凌嘉州九頂森列環烏尤
峩眉遠秀三江浮
登此可輕萬戶侯
先生蓬萊仙客儔
曾觀海市臨十洲
一朝飛節向西域
韓范合德成邊籌
歸來錦城恰錦秋
芙蓉燦爛迎雙旂
文翁化蜀政神速
乖崖好士詩爭投
武昌遺澤甘棠在
得邀借寇重歌謳
丞相祠前供祖帳
潮音亭外先艤舟
漢嘉太守今小謝
吟興愛從高處酬
眉山主人亦侍從
讀書初地同登樓
影堂瞻拜眉宇俊
想見四海無朋儔

係少像

菹盤錯雜證爾雅

白華少空有爾雅臺考鐫

於清樽小部秉燭遊酒酣起舞爲公壽昔賢豪逸今風
流贈言珍重逾金玉門生老矣嘆白頭不辭更漏頻洗
殘醉中作別消離愁明朝烟水掛颿去遙溯江漢心悠
悠

將至嘉州范六泉同年刺舟來迂賦贈

吳樹萱

傍城樓閣鬱參差近水人家亞竹籬橫碧山光動雲杪
殘黃楓影照江湄客當晏歲遊偏劇詩擬高標句亦奇
花縣今宵遇賢主荔支樓畔卸帆時

樂山縣志

卷十二

詩

七

贈馬仲山大令

仲山在
邱人

當年高詠寄南樓瀛鄭風光是舊游却向喚魚潭上坐
中巖花雨泛茶甌

捲簾山色對墓廬卧閣吟香得句時江路偶來停畫舫
白雲紫筍細論詩

玻璃江水趁潮流暢好凌雲載酒遊寄語鷗波賢太守
渝州未必勝嘉州

一官薄俸清如許况復年年作嫁衣試向燕南尋舊夢
十三橋畔柳烟霏

癸丑七月按試嘉州泗亭太守分貽蘭花佛手柑
茉莉詩以報謝是年不得登凌雲也

烏尤山前水所衝盪漾婉嬾難為容三朝三暮霧作雨
我來不見凌雲峯漢嘉太守惠好我憐我石院焚籠鎖
分貽草木見清真却勝攜策看山坐羨煞君家子弟佳
衆芳不敢同朋儕破顏微笑一彈指詩品禪心臭亦諧
梅花霽雪芳馨共丹荔亭邊醒殘夢繁葩靜卉列軒楹
爰颺却借風輪送人間此福不多有而我何緣枉消受
笑他官職徒紛紛惟君真是坡公後我無瓊報報以詩
樂山縣志 卷十二 詩 齋
但恐花神或晒之放晴天氣江山好有約更補高標詞
泊舟嘉陽望凌雲
嘉州清絕冠峩岷又作凌雲載酒人三水波瀾成曲折
半空金碧峙峻岫寒侵江郭留殘照客到郵亭起白蘋
萬里荆吳都在眼橫沙一鷺掠前津

謝泗亭太守招遊凌雲先此賦詩

高望山頭薄朝旭人家半在山之麓江湖作霧江聲腥
濛濛一片洋川竹商車賈舶來喧闐九峯巉巉森在目
去年我坐望雲樓望雲九峯之一泗亭卽以名其樓塔
去年江水漲駛不得登凌雲為悵

影波光看不足瘴鄉風物是舊遊愛烏之愛愛在屋不
然荊州萬戶何以不足道誓願乃惟漢嘉獨明朝攜策
凌雲最上頭天風縹緲吹破蠻烟綠我當俛首謝宣城
長嘯更懷蕪玉局舉杯吸取三江潮淋漓醉倒中山醪
嘉陽登舟仍泊凌雲峯下僧德新送蒙茶峩松詩
以誌之

曉起出郭門江霧下如罩對面失樓臺渺弗覩妍笑沙
乾石未平灘路恐危峭欲發不得行稍去旋復掉泊舟
凌雲峯濛濛翳藤藿不見呼渡人但聞人語鬧浮圖隱
樂山縣志 卷十二 詩 五
雙碧如睡夢未覺稍稍辨鐘魚和之以吟嘯逾頃晃晴
曦畫旃森目耀送者自崖返山光含寂照沙彌捧鉢來
疾走勝猿蹕新焙蒙山茶活火煎瓦銚盈把峩山松助
我吟詩料昨夢山水俱餘興恣聽眺砉然振長風萬木
破空竅眼底滄波明開頭信飛權

峩山松歌贈德新上人

非休非遠顏頗豐十年高坐凌雲峯昨朝淪我蒙山茗
今朝貽我峩山松青鬃長不滿徑寸萬古不改冰雪容
瓦鐺注水水灌頂生意便覺含丰葺芬香畧擬海苔似

漫無乃天花同我無墨池與筆冢高峩澗壑滿几拂
拂生清風何況三年兩度遊嘉州盤輿晴况恍惚徒夢
中童山之上草不植杯盂忽有靈氣鐘我歌松兮與松
友歲寒盟誓將焉窮

同人登凌雲山和吳偶堂孝廉韻 李 棻

化工流峙險益奇一氣鼓盪天無爲茫茫涉江登九頂
雲光出沒上下空津涯至此休歌公無渡歌時令人心
神怖銀濤白馬奔騰不肯休賴有海師開鑿佛靈護仰
看鳥道百折臨俯瞰龍窟萬丈濤空堂無人問清境松

樂山縣志

卷十二

詩

五

筭延接鎖烟岑孤岑挺生雲樹杪巖翠滴滴雲飛繞遊
山之樂樂何言凌雲氣概興未了或探海師尋禪住或
躡巉巖窺幽處或陟曲徑訪山花或禮旃檀瞻繪塑清
音亭畔讀書臺轟起崩巒層巒蘇公遺像未垂髯早
留詩卷通雲雷欲借片石作函丈逸情使我依雲上平
生私淑願未償登拜何曾束屐綳卽今絜侶駕扁舟此
身如入白雲遊舒寫胸中無限烟雲思輪困推激管城
侯君試淋漓揮翰墨山雲爲君增新色誰將生綃尺幅
畫作雲遊圖他年指數凌霄盡奮扶搖翼

和李滄雲學使凌雲山紀游原韻 彭錫珙

天上星使窮幽竒人間好句更誰爲凌雲賦就許世讀
讀之使我莫測其津涯嘉州城東一水渡中流自在無
驚怖層巒絕巘森出迎松篁引徑白雲護九頂峯頭恣
登臨九龍下看盤江潄三峩眉黛隱復見一徑指說烏
尤岑萬景樓高出林杪松風竹霧鶴長繞山谷無人坡
老亡忽使清音付寂了清音泠泠向雲住蕪老堂通最
幽處可憐遺像至今存當年恨不掀髯塑宦海無地起
樓臺此地曾遊愛崔嵬如何可愛不可住空令滿卷森
樂山縣志 卷十二 詩 七

風雷青蓮妙筆光萬丈慣向巉巖攜句上比來入蜀句
尤奇踏遍層雲屐幾兩載酒誰登元禮舟懷古情深紀
勝遊五雲閣史誠仙秩主人風月誠賢侯主人酌酒客
潑墨洗墨魚吞水一色愧我塵驅空乏青雲姿無由乘
風一附萬里垂天之長翼

和李滄雲學使登凌雲山原韻 鄧 熿

秋雲如波不可揚夏雲如風不可住江干一片石凌雲
過客見之輒心慕今年驄馬來嘉陽攀留曾踏松間路
去後惠我詩一編郵筒新開聊學步攜詩閣上對山吟

遙情却與雲俱去我識輪軒太史家吳中舊日曾遊處
靈巖山色翠如螺十里梅花香作霧鶯脰湖中欸乃聲
自然天籟追咸護况乃姑蘓舊有臺虎邱瑯跡猶堪晤
楊柳紅橋畫楫停梧桐碧院笙歌互今從山水窟中流
此山一見心猶注勾留那怪古詩人夢魂常到龍遊渡
臨風却憶岑嘉州區中塵外生微悟可知天地本洪爐
世間萬物爲所鑄註經我欲問舍人春秋此地几幾度
題詩石壁泐安磬四諫馳名遭廢錮登樓百感集無端
落日依依梵宮樹閒來更展阮亭詩九峯江葉臨波賦

樂山縣志

卷十二

詩

五

一代風流問後先祠曹彩筆誇垂露騷壇重見主盟人
蜀中星使名非誤大筆淋漓光燄長俗吏捧讀神驚怖
自慚青眼屬樗材詹詹小言敢宣布暫爲此山作主人
占山猶恐詩僧妬晤明且喜一窻間賞心相對成歡遇
舉頭變幻看雲飛白衣蒼狗難留駐雲兮雲兮歸去來
從今不爲雲添句

嘉定晚泊

周厚輅

斜照落烏尤山城俯碧流花明烟外市燈散雨中樓古
道平羌界高齋萬景收何年方響洞佳句爲勾留

十月四日偕諸同人登眺凌雲山歸途放舟復至
龍泓寺訪龍岩古蹟薄暮始返
宋鳴琦

一載未陟凌雲巔今朝風日何清妍呼童治具屏人事
手提蠟屐相周旋江水欲落仍未落平流如掌乘輕船
到門山僧先客去言尋舊徑重沿緣摩挲大像髻半蝕
四大秋草生葱芊傳聞昔年七層閣莊嚴妙相真華鮮
豈知色空與空色我心匪石勞雕鐫競秀一亭峙其側
亦隨風雨頽修椽蒲牢墮地不鳴吼胡弗架木思喬遷
徑將叢棘更芟刈招手峩翠來吾前求新同載一尊酒

樂山縣志

卷十二

詩

堯

吾言如願然不然諸君俯首各微笑棲鸞擁翠披雲烟
讀碑拜像復爾爾矯首四望垂青天山梁孔性夙所悅
雉鳴有鷺雙翩翻歛從樊籠脫羈縛南飛一曲酬坡仙
興酣耳熱啜茗茗維摩斗室談枯禪座中有客爲我說
古時蘭若滄江邊尋幽攬勝觸竒癖泝流百丈羣鈎牽
捨舟遵陸入林薄老僧逆客如孤鳶荒苔破瓦走鼯鼠
冷煙蒼翠流山泉就中岩洞最深窈摩崖捫蘚紛前賢
僧也數典頗竒詭惜乎譚語訛爭傳出門瞥眼詫殊特
山靈脈絡誠蜿蜒鬱葱佳氣集于此青烏秘術疇能宣

文筇拄立人影亂林間
啁晰催鳴鶻髯叅軍與短玉簿
翩何來暮追遊鞭村毗繞陌
競鼓腹咸謂行樂宜豐年
解衣謝客樂復樂入門一笑高吟肩

重九日偕諸同人高標山登眺遂至萬福寺歸飲
衙齋賞菊用杜工部九日七律原韻

秋心如水訟庭寬勝地餘閒結古歡
難得重陽好風日依然同氣舊衣冠
馬蹄一路都行健某佩千絲不戀寒
試上最高峯頂去雲山無盡耐人看

豐年差免雁鴻哀
耒板聲中往復迴
礙眼叢篁迎刃解

樂山縣志

卷十二

詩

卒

乘流小艇渡江來襟痕尙挹凌雲寺
徑草全荒爾雅臺省識此身圖畫裏
歛思歸覆掌中盃

不厭更尋城北路何須遠訪大江濱
庭空古樹苔斑濕石老殘碑鐵畫新
二百年餘仍此日去來因裏識完人

萬福寺有修城大碑爲明給諫安磐書其年月乃嘉靖丙戌九月九日也
劇憐千佛名經後

多少游車隔軟塵

折腰私愧柴桑宅愛士虛傳郭隗臺
席帽輕風隨意脫黃花濁酒媚人開
餽題錦字徐徐就月破微雲欸欸來
檢點杜陵詩事在當筵莫怪鉢頻催

青衣江打魚歌二首

用少陵綿州觀打魚韵

袁鳳孫

會江門外江之津三江合沓波如銀烏尤直接發雲下
嵌空崖石多潛鱗老漁識得下網意默察兩岸能凝神
驅獺入水鳥鬼沒沫流輕濺揚纖塵不須太守斬蛟刀
浪花蹴踏船頭高拙魚既得眾魚躍鱣魴鯁鮪爭先逃
君不見三十六鱗尺素一月明夜聽湘妃瑟江湖可樂
洵有宜深藏自爾百無失

赤壁重遊客俱集山高月小寒流急登庖莫購松江鱸
儘有鮮鯽橙虀入太守之樂不在魚持綸却令網罟戢

樂山縣志

卷十二

詩

空

千古江山長如此幾人却撫蓬窻立我時追隨乘閒載
酒來銀鱗作脍同啣杯美景良辰不恒有一時笑語輕
風雷嘉州自比綿州好少陵憂抱何深哉牧民省識取
物意自然草澤無鴻哀

嘉州雜咏

作賦成三壤由來數二梁梯田能蓄水鴈戶識求倉有
林家堪釀無稭煮不香秋葵春候菽餘利及菰蔣
蠶叢非舊日蠶利獨能兼戶解栽桑柘人工織素縑徵
材充貢賦通販到滇黔尚有無衣者迺暄曝短檐

地與蒙山近山多穀雨芽味清伴玉壘製捷異金沙求
貨來蠻服銷煩挹露華劇憐商船至爭貴武彝茶

共說犍為郡熬波出素繁頻年穿海目徹夜刷雲根不
信無游曠寧真副飽溫 聖朝寬稅禁官未置牢盆

壬戌十月望日偕諸同人侍宋梅生郡伯遊烏尤
凌雲二山晚泛舟觀打魚分韻得山字

劉應蕃

劇喜朝來霽雲寒豁遠山橈迴先問渡屐懶獨遲攀

是日蕃後至未及登烏尤為悵未話三生事真偷半日間會心殊不遠

樂山縣志

卷十二

詩

三

翠滿禪關

舟小堪容膝樽開共解顏魚翻衝白浪藤老露青山頗
愛風光麗微嫌月色慳清歌時一曲聲徹碧潺潺

泝流沿北郭直到荔枝灣新雨初聯合謂程息飛觴互

往還如尋桃葉渡疑傍虎邱山時慎齋參軍憶及秦淮

太守風流政爭觀滿市闌

七月今秋望洪濤欲濟艱七月望日郡伯招游凌雲水

不果旋渡江登高幪山聯句 巨航飛鳥外小樹亂流間瞥眼風非舊聯裾髻半斑

抗懷羊叔子從事共登山

丁酉二月遊龍泓寺醉後題

阮鳴鸞

春遊正二月兩到龍泓口風日喜成占江山全入掌指
彈已廿年瞬轉又丁酉翩翩人盡醉同來者某某

遊凌雲次岑嘉州韻

張瑞

我欲識偉人長公在高樓我欲識畸人凌雲踞上頭二
美不可卽一水隔江流齋居向城市衆人共沉浮安能
於衆人脫去廣與稠長公招我飲凌雲招我遊飛艇從
東來一棹犁寒湫美人厭塵俗山中清瀟颯盤空徑高
處俯首杯行舟辦香拜長公凌雲不我留留時令我喜
樂山縣志

卷十二

詩

奎

不留令我愁

嘉定晚泊買得茉莉珍珠蘭二花戲作長句

范祖武

君不見十八娘雲烟孔翠照平羗又不見花命婦香霏
閣下酣春酒漢嘉風物天下無容我刺船臨西湖荔支
未熟海棠過恰有抹麗和珍珠瑟瑟抹麗白四月薰風
禁不得青帘小市燈下逢不是酒家是花國花酒尋盟
二十年客中仍費典衣錢塵穢薰人香不變如君入
孝廉船船頭爛醉爲花誤月下伴花受風露明朝一

下東南西子應隨范蠡去

嘉定早發

怒湍蹴天花浩浩風霆沸萬古三江水龍游城下會誰
歎好事者鑿山爲四大止觀歷兵燹廣長舌無礙生平
夢凌雲磊落償詩債一舸破中流得似蓬壺界晨鍾殷
斷壁星河影破碎縹緲九點烟隱見霞光內青山不可
留樽酒何時載瞥然下烏尤亂山迷翠黛

登嘉州凌雲山望江

嚴學淦

大江從西來一瀉失千里青衣疾走橫擊之驅使風霆

樂山縣志

卷十二

詩

古

門江底左凌雲右嘉州東水入山山不收倒卷白浪飛
城樓有唐禪師海通出鑿破鴻濛裂山骨借菩薩力施
神通百丈金身鑄大佛赤足下蹋馮夷宮圓頂直透光
明空臨崖但垂二分趾奪氣已伏雙飛龍我登集鳳峯
高踞大佛頂頭上青蓮十二重眼光白射三千頃是日
積氣昏千巖凍雨下壓波漸漸俯瞰塵封隔雲霧但高
一步分仙凡或云峩峩峯八十四盤矗天表飛出空青勢
縹緲恨無快劍抉浮雲鞭起金輪日杲杲玲瓏嵌壁奔
修蛇怪松古栢紛槎枒老僧迎我入山去涼綠一路生

苔花折釵屋溜亂撐拄搜尋古碣爭搔爬天開生面萬
物覩浪墨浮烟莫輕侮發洩造化真精神豈待文章壽
千古我欲拂袖空歸來竒氣全涌心胸開如椽乞借老
坡筆泐石不遺山靈災長嘯天風雨花墮策杖清音亭
上坐吟成或有蛟龍和

大佛崖

邵 盦

我生既乏珊珊仙人骨亦不洞明禪理通禪窟春風吹
我載酒凌雲遊但見諸天妙相依巖凸沱前翠壁鑿成
彌勒龕尺計三百六十何突兀上有欲散不散之慈雲

樂山縣志

卷十二

詩

奎

旁有將落不落之殘碣借問誰從此地鑿玲瓏唐代海
帥禦患心矻矻其時洪濤蹴山山動搖三水南朔東西
爭蕩汨一自神斤鬼斧窮鏤鑄南無佛使中流現寶筏
至今蘼絡已胸年復年足蟠大江江漲不得沒電作燈
炷以明其琉璃雷爲鍾鼓以助其激越七層閣頂毫光
盤髻螺照見水底萬靈伏難發到此人相我相渾可忘
流水無波映徹空明月

方響井

言登高幬山載訪丁東井四角規以方一泓明且靚如

鈴如佩環未嘗停俄頃試汲記涪翁嘉名乃煥炳父老
爲余言方響久已靜間或夜深時鏗爾足心煩不得聞
其聲猶得鑑我影有約待重來掃葉煮新茗

清明憶嘉陽

湯健業

芙蓉九朶隔烏尤遠有蓬萊近十洲千古長公名士業
何人更上讀書樓

予少時曾讀書東坡樓故云

過嘉州作

劉傳經

蒼茫一點認烏尤望裏春江浩浩流荔子青歸何處浦
海棠紅入幾家樓峩峩大扁圍烏榜轟轟高城鎮鐵牛
不枉昔人歌咏地山青水綠是嘉州

樂山縣志

卷十二

詩

李

雲壑太守新建九峯講院于高標山麓舟行過嘉
州一登覽焉志以長律

溫承恭

一帆夜宿平羗驛指點蓬萊載酒過九頂樹青開戶入
三峩雲白上樓多文翁政澤看槐市羊傳風流足雅歌
見說四州車騎遍新栽桃李蔭如何

荔支灣

汪仲洋

好山無數似雲忙夾岸迎船落黛光兩槳綠醅春後水
一灣紅豆雨中香有人病齒難圖痛何處縣

欽定四庫全書